

靜

厓

詩

後

稿

靜厓詩後稿卷九

鎮洋 汪學金 敬箴

古今體一百首

丁巳正月
盡七月

丁巳元日試筆用博兒韻

流光半百指彈中樂在田園婦子同野服偶迎攜鶴吏

是日州守于公
攜雙鶴見贈

山銜長署祝雞翁梅賓竹主三三徑鉛

蛇丹嬰六六宮博得酒顏紅幾度孫枝喜報震生東

謝州守于公贈鶴

雙鶴殊凡品飛來處士軒水雲新跡合冰雪舊交論獻

贈情皆見

鶴為鎮洋邑侯李公所獻

樓遲樂自存所期非飲啄相感

不言恩

和李雪園邑侯詠梅

江南春最早空谷已傳馨乍見如相識無言本獨醒冰
姿窺鏡檻雪味入茶瓶閒看胎仙舞同來倚竹櫺

○壽錢竹汀先生七十

嘉慶二年人日春先生七十覽揆辰屠麻絲勝色色新
錦堂燕喜百福申酌言獻之詞畢醵玉卮無當奚取云
請舉四語歸有倫庶於先生得其真敏而好者壽其文

樂而育者壽其人止而休者壽其身藏而密者壽其神
神之壽兮乃無垠古仙曰錢錢有孫海水搖綠波粼粼
東風催泛梅花樽

新正三日州守于公得子東賀

三英迎龍啓歲陽

是日甲辰

六花舞燕報農祥玉梅東閣開

香海看浴蓬山小鳳凰

逢丁便道合添丁老守新年抱寧馨今歲鄉城登戶版
定增人口萬餘零

六年父母頌臺萊保赤誠求襁負來識得天心勤勸善

青房言和
德門先賜玉磨胎

一樽喜與故人持
湯餅筵前笑語時
夜半醉歸猶兀坐
也溫爐鼎待嬰兒

園鶴十二咏

鶴壽

曾見堯年雪翮然
去不還鯤鵬遊世外
雞鶩笑人間貌
以棲真古神從服
炁閒浮邱一揮手
留影在三山

鶴巢

有巢風最古
惟爾任逍遙
福地青田洞
仙都白石橋
樓

居殊可好壺隱更誰招
千尺虬松寺窠禪對雪寮

鶴頂

丹客手親摩蓬山歲月多
學仙精補腦禮佛頂盤螺
九轉升砂熟三華聚氣和
放他出頭地池上陋羣鷺

鶴翎

雪瑩影廉纖孤山冷不嫌
風前雙縞袂月下一冰匳
花檻梳偏整筠櫳舞更恬
夢中逢道士曾識舊須髯

鶴步

昨夜步虛傳尋蹤復杳然
昂藏臨水石空閑入雲煙
楚

谷聞猶喜行庭望若仙
梅花走鐵腳待爾小橋邊

鶴唳

格格復喈喈凡音莫與儕友聲
同曠感子和有奇懷遼海仙言絕
華亭恨骨埋琴心如解語問荅到莎齋

鶴舞

天上新霓羽山中古雪杉
雲謠聲入破石鏡影窺銜世態羞長袖
仙裝愛短衫氍毹人不識爾意自非凡

鶴駕

明月維山嶺秋風漢渚江
六銖凌羽帔九節導雲幢騏

驥塵難及龍鸞氣欲降朝來歸紫府階下立雙雙

鶴夢

星斗夜闌干神遊度玉壇紅埃飛不到碧落醒猶寒許
聽鈞天曲來尋太乙丹懶仙忘小謫貪作睡陳搏

鶴俸

老髮謝朝簪閒身感賜金思慚芻豆料謀鄙稻粱心夜
警猶趨鼓朝飢且典琴腰纏何所取日暮未歸林

鶴侶

歸來東海東白叟與青童霄漢羣雖失江湖跡自同扶

攜成地主飲啄付天公倘厭喧卑苦相將到閭風

鶴雛

嬌小紫蘭芽溫柔白玉沙弄珠毛女洞種壁羽人家試
爪憐拳握梳翎學髻了還童千歲後更逐爾曹譚

立春日兒孫輩具酌花前邀同人賦鶴十二律取
春酒介壽之義以今歲為余五十初度也即席復
得詩一韻二首

蠟嬰絲燕舞新年玉版冰芽侑壽筵居士有花先獻佛
詩人得酒小遊仙春逢人日成佳節老看兒曹作勝緣

頭夜東風偏好事催添眉月映霜顛

偶同父老話豐年莫詫鄉邦畫錦筵衝雪訪梅逢隱叟
撥雲見石揖頑仙閒時寓物非留物晚景隨緣即了緣
曲譜鶴南飛十二醉中畧放道情顛

和熊謙山方伯瑞雪韻

調燮元功妙手為飛翼擣藻若相期莫開第七迎春日
花滿初三應月時有澤隨車偏愛早如雲荷鋪那教遲
時駐吾州督辦
開浚劉河工程病夫僵卧寒門久先受東風著意吹

試燈風

欲放光華大地同先憑巽二發生功十三夜欠二分月
廿四番添一信風凍解酒波新照綠影搖燭藥故催紅
松龕定後長明火不入輪王世界中

咏走馬燈

巧奪東皇調御功驚駘得路氣如虹熏心那惜脂膏竭
捷足惟爭線索通恩盡棄帷銷曉焰悔無翦紙吊秋風
真求冀北空羣選天駟精芒在眼中

正月十四日雪再用羅浮山韻

飛仙羽帔來瑤京天風遠遞皋鶴鳴瓊樓珠闕一湧現

頃刻塵世開光明歲華占白在甲乙

新正三日甲辰雪至是乙卯復雪

木德已應青陽生午寤睡足聞好語婦子喜話豐年耕

道人晏坐見虛室太霞元氣中彭彭

見雲笈七籤

嫣然一笑

梅枝橫壓簾不放春寒輕老松舞鬣竹掉尾玉虬銀鳳
爭矯獐我欲乘之破空去醉凌具區登洞庭芙蓉晴開
七十二龍威曉授虛皇經不則赤脚踏江月摩崖夜讀
華陽銘烏白鵲黑任顛倒世上兒戲奚干卿八識田中
不留滓千坑萬谷填皆平

園居壘石為山環以花木雪後望之殊有瓊林瑤

島之觀仍用前韻咏之

十年作賦研漢京蓬萊頂上爭先鳴忽然夢想落邱壑
拂衣歸去師淵明須彌芥子兩何有一卷聊復償平生
吳田十頃棄弗顧獨愛瑤草扶犁耕三峯削成縮太華
雙闕對峙規天彭朝來滕六驕縱橫梅花萬片隨風輕
戲蟾跳月曉仍伏怒猊攫霧寒偏癡誰人割取玉峯秀
縈青繚白羅軒庭鸞蹤鶴跡篆苔石福地時有籤喬經
酒酣高歌壁欲裂醉墨到處留題銘暇日開徑望樵牧
長年閉戶辭公卿何必真形佩五嶽婚嫁可憐累向平

謙山方伯再賦春雪見示復和一首

兩度東皇玉戲為，恰逢甲乙本知期。
望公如歲先吾土，與物同春及此時。
海國爭迎燈樹曉，江城偏戀笛梅遲。
新詩重記留痕處，肯付沿隄作絮吹。

元夕雨雪有懷滄來守

今夕是何夕，江城雨雪霏。
不嫌燈事減，偏惜月情違。
避冷人眠早，衝泥客醉稀。
憂懷添老守，枯坐讀書幃。

謙山方伯三疊前韻以春雨妨工為念，因酬是篇。
雨暘偏覺兩難為，優渥嫌稽力役期。
行部縱然勞使節，

決旬猶未奪農時催詩也比催工急待月還同待漏遲
領取桑苗郇伯意金閭休譜玉簫吹

和滄來守雨中勘工之作

使君何所樂樂此衆情深踴躍三旬後綢繆六載心何
衰呼畢集露冕望遙臨一路甘棠樹無非召伯陰

謙山方伯再過敝齋獎及此邦風俗因共論州守
于公政成之效四用前韻奉簡州守

廉吏何嘗不可為知音畢竟有鍾期但看歲美人和處
便識心勞力竭時四境已忘千騎貴一官底礙六年遲

即今河畔青青草付與光風宛轉吹

春夜與二子論詩四疊羅浮山韻示之

吾不學玉堂詩人宋子京
鬧紅枝上爭春鳴亦不學玉
樓詩人李長吉
嘔碧燈下難天明
吾詩別開一世界
慧業不是根塵生成童已親篆刻技既壯弗輟畚耨耕近
來老境變格律時出妙理師聃彭東風一棹觥船橫呼
兒抖擻詩肩輕十年病驥尚騰蹕三日乳虎殊雄獍原
本性情達倫紀二南聖教聞趨庭無邪一言揭宗旨要
使萬世知尊經劍南論詩頗合道亦以三字為垂銘眉

山竟有叔比仲太邱豈必公慚卿但願朱絃清廟奏疏
越一洗淫慝歸和平

謙山方伯攜示莫愁湖櫂歌因題四絕句兼寄李
松雲館師

行人莫問大功坊詞客休提少婦堂
賸有閒愁消不得
只看十頃好湖光

聞道湖光徹底清桃根不逞舊風情
願添萬斛長江水
洗盡南朝子夜聲

謫仙人本住蓬壺醉墨留痕醒已無
歸訪四明狂道士

鑑湖原勝莫愁湖

楚騷香草後人憐若問靈均總注然我欲打開愁世界

與公放論遠遊篇

詩序有騷雅多愁之語故反之

冬春之交四疊坡公羅浮山韻適謙山方伯以小

林屋圖屬題知為韓旭亭祖居復有是作

龍威丈人朝紫京丹雞白犬瘖不鳴誰人割取山一角

壺中點出仙蛾明韓康避世有遺宅琅玕芝草周堂生

桃源劫灰吹不到兒孫幾輩留樵耕剔剝老蘚見文字

細辨手跡知錢彭

謂沈歸愚宗伯

一峯春曉當窗橫冰綃著墨

雲烟輕迂倪顛米各盡態時於澹逸開奇穉客來看山
便讀畫髣髴玉柱撐金庭笑我屐齒老已折夢遊天姥
非親經名山欲補高士傳陋室先誦詩人銘仇池洞僊
蘇玉局芙蓉城主石曼卿訪翁更踏莫釐頂釣艇來撼
春潮平

為謙山方伯題照二首

江春曉鏡圖

大江發岷山吳楚吐納之歷楚折而右彭蠡演其支入
吳折而左具區承其頤一氣所貫注鍾毓理在茲公產

豫章郡牛斗浴光輝秉節勾吳國徐揚奠網維生平與
江水出處成心期愛此江南春曉展青琉璃空虛鏡萬
象澄朗無不宜外鏡何所有飄然好鬚眉內鏡何所有
泠然清心脾鏡古辨得失洞然無所疑鏡今別妍醜曠
然無所私然此膚末論妙旨未盡窺公有靈臺鏡元性
含希夷公有華池水元命藏根基性命一以合形神兩
不離寂照無二用動靜非二機不加與不損萬古常如
斯公以我鏡我難使旁人知詞流倒三峽不如自題詩
詩言本借鏡轉語借亦非是謂不物物豈有屢照疲譬

如祖師禪絕相空菩提一口吸西江徧現五須彌鈍根
學饒舌著字訶筌蹄得見真面目始嘆廬山奇

紅鷺香稻圖

聖門論富教經濟賴儒術三事訖厚生八政先民食利
物以和義上損則下益曾傳末炯戒孟書首嚴黜後儒
不通經曲學事操切考亭宋大賢苦心繼絕業隻字析
毫釐或恐千里失大義與微言昭然炳星日當年知南
康教養盡其職會講招象山賓徒侍經席特揭義利章
聽者色變慄按部問疾苦救荒出奇策至今社會法不

世被遺澤驚湖稻梁句舉念繫民物湖干桑柘陰依稀
想疇昔我公起洪都茲鄉食舊德家守饘粥風官美素
絲節一麾迨三遷所至顯治蹟五十藩太泣圭璋已特
達東南財賦區勾稽筭出入公望頌廉平吏能屏瑣屑
退不謀富家進不言富國但體九重意要使百姓活
陂塘十萬村蒿目望秋實披公好畫圖寓懷慕曩哲領
取眼前景記憶卷中色功成歸驚湖講學青山側仰止
四賢祠棲遲三畝宅生平疏水樂尋向孔顏得

喜晴和滄來韻

好雨復佳晴歡呼見衆情天心隨物動春脚傍公生梅
事詩邊閣棠陰畫裏城役夫相告語鞭不試蒲輕

床頭雜置梅蘭水仙睡夢中清芬撲鼻洵可愛也
夢入衆香國氤氲護碧紗清心知夜氣倦眼閱春華薰
恐初禪破酣憐薄醉加依稀林處士紙帳是生涯

連日晴霽五疊前韻簡謙山方伯

天意無為無不為休徵順應雨暘期後三日異先三日
此一時非彼一時梅閣遞詩敲戶早草堂留駕測磚通
元音不是尋常曲徧滿春溫乘谷吹

戲簡滄來

刺史村村步履勤
朝來荷鍤已如雲
官梅也解催工意
一趁晴光報一分

訪梅小叙謙山方伯訂以圓席圍坐次早復以詩
堅之和韻奉酬

笑指團蕉別有天
也同海嶠會羣仙
一瓢詩好催花好
四座人圓對月圓
數舉觥籌聯酒戶
了無圭角順情田
分明盡入春江鏡

時以江春曉鏡圖索題

席上羲圖領妙先

劉河吟和滄來守韻

病夫懶卧東海東新年磬鼓聞開工昔時白守今于公
步屨所到春融融詰朝陌上吹晴風銅鉦掛曉郊蔥隴
頽肩笑舞酡顏烘臺司敬愛情意通願公外悴中腴充
勿以胼胝忘厥躬嗟我筋力難強同攜鍤莫助他山攻
猶能作詩頌成功退隨父老懽年豐秋潮柁尾聽尚聰
更留佳句傳江楓

昨以絕句戲簡滄來辱承聯章酬和並申訪梅之
約仍以前韻奉報

幾度啁啾翠羽勤也應啼破隴頭雲五分花事三分月

君到陽春始十分

脚絆手版太辛勤且向山家撥甕雲我為花忙追公暇
一春勞逸暫平分

紅梅三首和坡公韻

千紅消息太嫌遲
擣藻東皇獨冠時
眼纈雲霞生曉暈
鬢絲風雪鬪春姿
靈娥醉抱蟾蜍骨
姹女丹藏蜥蜴肌
昨夜絳綃飛去也
又從天上贈瓊枝

玉仙修到幾生遲
回首塵紅彼一時
脂粉誤人多薄命
丹砂笑我尚凡姿
若逢縞袂猶障面
未卸朱衫總壓肌

老筆從來無著色怕將摹擬作桃枝

扶桑初日上簾遲一笑嫣然出谷時
避曉暗留燈下影破寒竒逞酒邊姿
休猜荒陋添羞靨偏覺陽和發瘁肌
若箇還元比孩色北枝畢竟讓南枝

水仙次韻

仙桃休詫醉紅顰白髮黃冠也自妍
玉骨凌波離色界珠胎抱月出神淵
春生綵筆雕冰雪曉墮綃衣化霧烟
我唱水龍吟一曲步虛遙和碧雲巔

再賦紅梅三首

玉堂休怪賜緋遲，恐負山中卧雪時。
縱與青皇好顏色，依然白髮老風姿。
暗潮欲動春酣頰，煖水能融曉蛻肌。
一種高寒誰比似，豈宜重問錦坊枝。

桃花潭水踏歌遲，料峭風前露面時。
南浦別樽明月夢，西湖歸棹夕陽姿。
新粧羞補三分髓，小摘嫌留一捻肌。
莫引探春蠶蝶鬧，霜林猶是歲寒枝。

梅萼丹溪舊路遲，眼塵難記隔生時。
燈王無燄添禪喜，花女何因對病姿。
十丈軟紅撐鐵脚，六銖輕碧卸瓊肌。
若家醉尉相逢處，袖裏珊瑚斫幾枝。

謙山方伯再賦圓席詩欲舉田字韻相難復酬三章觸類引伸不必作詩必此詩也

散花圍繞藥珠天領袖羣占鶴髮仙攝入頂光門不二
拈來心法座同圓七重香水終環海九轉泥丸自抱田
舉似語言文字外仰山公案得機先

澄空萬頃見江天李郭同舟望若仙假以末光窺鏡小
及茲寬政破觚圓可容分席觀橋壁未免拘方議井田
休問象車還象笠忘形都在物之先

已過圓爐七次天頻攜玉笛喚梅仙膏隨輪動逢雷動

今年逢閏梅信較遲
交驚蟄後始見花

渠比盤圓待水圓

謂劉河
波工

霏雪周

遭花簇簇卷波取次葉田田生平後樂同民樂偏是樓
臺得月先

再用前韻咏水仙

雙瞳翦水映雙顰春曉明粧入鏡妍騷客清襟淡雲漢
詩人素履潔冰淵昏黃細押濛濛月晴碧羅紋渺渺烟
何處瑤絨傳錦字思君應在海山巔

仲春朔博兒初得女孫用新正三日韻示之

風占巽二應春陽歲德蛇為女子祥又報階蓂重長莢

青房書後和
玉簫引鳳有新凰

花為眷屬鶴為丁
初茁蘭芽分外馨
莫道汝曹催我老
眼前生意破衰零

瑤仙昨夜下蓬萊
特裏霓裳抱送來
付與東君作歡喜
掌中一寸弄珠胎

春醪到手便堪持
弱女依然慰藉時
稚子大歡無不可
陶家豈必五男兒

吳秋鶴茂才過訪並攜詩稿就質六疊為字韻贈

之
秋鶴秀水諸生
客謙山方伯所

詩篇原是性情為大雅如君可與期梅格高從寒瘦處
鶴姿竒在曠閒時關河應惜飄零久江海翻嫌邂逅遲
來聽蒙莊說天籟此中自有息相吹

謙山方伯枉駕小園兩用文衡山題畫詩韻見贈
因酬是篇

六載江湖跡漸沈廿年風雨思難禁攜來海國三壺秀
坐到山家一壑陰花竹儘供詩料足雲泉自結道緣深
憑公振觸匡廬約妙語分明說二林

來詩有東林月
看到西林之語

李寧圃觀察席上談白雲觀事七疊為字韻奉簡

七七花從頃刻為仙緣曾與白雲期醉來滄海談今夕
夢到元都記昔時一出蒼生相待久再尋黃石不妨遲
知君領取楊枝意靈雨光風徧地吹

滄來守雨中招飲八疊為字韻

從來順信莫之為作解剛符啓蟄期公讌無非同樂意
民勞亦是小休時舊巢不掃新雛衆時移席嬰堂以就梅花老樹
重榮嫩蘂遲春鳥枉愁泥滑滑晴紅曉傍玉驄吹

謙山方伯見示論易一首依韻酬和

貞元遞相嬗妙撰發仁智一體本渾然萬用備官器經

緯廣彌綸橐籥密局閉陽德貴剛中卦位闡斯義雷火
跡以光豐蔀戒其蔽先生說易宗微言析精意索解歎
聞奧察理悅平易不為空寂淪豈以象數滯論共與中
孚消長務勅茲告邑決而和涉川虛乃利所以及物功
飲食寒者衣返諸方寸間了了絕纖翳嗟我守佔畢掇
拾僅牙慧鉛刀見太阿磨鈍強淬礪坐惜精力衰仰瞻
日月逝願就執經列困勉期一濟

仍用前韻酬寧圃觀察

行水可喻性自然順其智沖虛藏道根含宏表德器至

理妙無為不解善解閑先生幾輔儒博覽綜羣義約之
在存誠大指一言蔽精研包義畫超悟蒙莊意惺然內
嚴密坦然外和易主靜用不紛處動應無滯一身繫民
物小心愈謹罔左右皆逢原挹注攸往利不矜列士譽
豈惜裘反衣示我瓊瑤篇頓若目去翳鯁生不自量掉
舌弄狂慧忽遇善知識竊慕金受礪有容服海涵不舍
取川逝即今河渠績平成賴康濟

花朝邀謙山方伯寧圃觀察滄來州守雅集小園

九疊爲字韻代柬

花是天公信手為花朝花放恰如期樽罍照座忘憂物
旌節臨門送喜時一色柳偏東面早九分梅賸北枝遲
山禽也解迎騶導嚙嚙笙簧繞樹吹

花朝讌集分韻得眠字

時沈學博吳茂才
在座皆謙山客也

道人買山不費錢道人住山不計年老猿應門鶴守舍
空谷久斷音跼然春風竹馬何喧闐使星雙照婁江堧
高軒屢枉草堂駕新詩預訂花朝筵把臂入林屏僂從
野梅一笑三生緣玉清領袖洪都仙芝眉蓬髮丹砂顙
開襟豁落坐霄漢皎皎心月常孤懸鄴侯丰神出塵表

繡衣猶帶滄洲烟牙籤抽架十萬卷至樂獨味南華篇
裏陽子守清且賢公餘愛聽龐家禪八功德水作妙供
慧力不落頑空邊幕府詩人老賓客澄渟綠水依丹蓮
休文眷屬定山詠季重雅擅元城牋異苔同岑結殊契
服龍蔭蕙紉蓀荃匡廬五老各招手竹溪六逸相隨肩
宰官居士請說法丈室酬對非言詮春禽啄屋花連天
酒波盪盪催觥船山中獠奴報新雨喜我菜把如兒拳
清寒沁肺嚼香雪甘回齒頰生腴鮮江湖醉夢任瀟灑
物花戴帽忘霜顛冰輪出海漸滿弦欲鼓餘興凌屋

半空驟發步虛唱恍惚天籟鏗風泉人生良會本不易
意氣慷慨情纏綿蒼生託命有公等蓑笠且付漁樵便
參橫斗轉語初罷踏月羽氅歸翩翩花陰滿地絕可憐
道人更抱蟾蜍眠

論詩一首贈吳秋鶴茂才仍前韻

太和發天聲所貴怡養智古人治性情往往假音器剛
柔聆抗墜陰陽驗宣閉修齊本二南興觀備六義聖門
示詩教約旨無邪蔽詞流悅春葩寢失正始意唐宋諸
大家彌縫苦不易矜格或墟拘說理有詮滯契真樂陶

青人言不和
寫栽偽凜懲必每慮風雅場魔力熾歌利骷髏粉黛粧
糞穢綺羅衣可憐寸金鉤難刮世眼翳傾蓋季子賢解
頤具妙慧論詩先論品微尚願相勵永言古調彈勿逐
末流逝詩禪正法藏一燈續臨濟

和秋鶴謁王文肅公祠韻

孤介如公品自端居鄉容易立朝難蒼生何苦催黃髮
碧落空勞付紫丸

謂曇陽子

松閣盤虬凌偃蹇梅田隻鶴騰

荒寒

南園老梅一株曰一隻瘦鶴為文肅公手植至今猶存

世家舊德誰堂構籩

豆司存尚在官

沈青齋觀察見訪因有看花之訂詩以代柬

乘興扁舟一水通
隨緣信宿付萍蓬
南池篇詠思陳迹

壬子秋晤青齋於濟寧

左掖文章拜下風
垂白看花三月好
軟紅

解組六年同到門
已喚提壺鳥眼底
青樽莫放空

和蛟門韻

近市難扃剝啄扉
灌園已杜桔槔機
敢矜霄漢鴻高舉

為避風颺鷁退飛
聽客三彈歸去缺
怕人重問嫁時衣

空羣豈有孫陽顧
翦拂驂騑又上韉

時將赴試玉峯

雨中有感而作

也知人事息機難海上眠鷗夢較安人送飛花成薄暮
春隨積雨作奇寒有情天地留詩卷

時輯婁東詩派

無恙江湖

守釣竿我住桃源烟水好出門一步總波瀾

寒食對雨

一旬風雨黯蕭晨草長鶯飛已暮春槐葉冷淘誰餉我
梨花寒食劇愁人扶童陟逕貪行藥留僕磨門謝采薪

余以微疾謝客

閱歲松楸無限感歸來誓墓最情真

疊前韻作

鳥啼格磔儘催晨雨色冥濛却減春看過桃花空色界

飽來葍味作詩人長卿詞賦羞題柱翁子功名愧負薪
郊飲午眠差足意踈狂聊且任吾真

古詩三章送熊方伯之任皖中

我所思今天都峰萬古奇秀開鴻濛蓄雲洩雨元化鍾
東南作鎮雄四封公將攬轡瞻龍從囊括黃海羅心胸
浮嵐積翠岩壑重丹臺彷彿容成蹤憑公想像桑梓風
富媼沃衍德產豐生平仰止欲往從願公望比此峰崇
我所思今九華山春霞蜿蜿青玉環寶花世界湧妙髮
佛蓮品位留人間公將弭節窮躋攀外勢巍竦中平寬

峰回路轉凌層巔江天已落雙眸前憑公省記行腳緣
化城一宿心了然

甲寅春曾游九華宿化城寺

圖經標美千萬年願

公名並此山傳

我所思兮盤陀翁屹然坐鎮江之東委輸百谷歸虛冲
呼吸真宰精誠通公將傾盖孚協恭得朋有慶筮棟隆
春溫秋肅時乃功庶幾夙夜譽永終憑公問訊康彊躬
風裁峻整神怡融君實姓字知兒童願公道與此翁同
泊舟城北紫藤花下

北郭紫藤花繁陰閱歲華新香閣蠶蜨老蔓走蛟蛇烟

漫春三月飄零水一涯倚舷成小泊底問屬誰家

若愚上人自理安來婁過訪敝居嵇篲浦同年適
至因就小舫晚齋而散兼柬王述庵少司寇

借問九溪十八澗可如一水一陂陀靈山芥子藏來小
火宅蓮花種就多為有清言攀叔夜還將妙法叩維摩
云何捨筏偏登筏且喫茶時道得麼

再用前韻示若愚上人

海內修行兩居士南宗尺木北盤陀若非檢點身心切
只是攀援口耳多尊宿曾聞趺共結

若愚曾與尺木
坐禪秀峰寺

凡

夫也記頂親摩楞伽讀罷離諸妄一滴能分法雨麼

理安

寺有法雨泉

悼鶴

逸翮居然隘八荒無端傷足恨迷陽

鶴因折足而殂幻形已學

飛仙蛻槁骨應留處士香痕記舊巢依古木影憐隻侶
照寒塘瘞銘千載傳靈蹟丁令何須嘆北邙

六月十八日同滄來郡尊訪淮雲寺觀水陸圖像
作長歌紀其事

大雄演教報四恩疇非父乾與母坤胎卵濕化各以倫

生滅一氣歸網縕普攝凡聖我世尊靡所不愛稱能仁
哀愍衆生拯溺焚悟者悲涕尋其根武陵提舉知本原
墓田丙舍婁之濱追念固極結勝因捨宅為寺曰淮雲
何以壽之勒璫珉吳興墨妙推王孫明初開堂釋惟寅
僧惟寅好說忠孝永樂間至京校閱陳說忠孝何斷斷
三藏與修大典賜法服還居淮雲寺
度世不為世所熏彼哉榮國馬足論歸來抖擻京輦塵
一瓢高掛東吳村厥後湛也嗣法初水陸圖寺僧性湛募造各書施者姓
氏永遠流傳龍象顛顛輕千鈞五濁劫殺愁紛紜慈濟
誓詞極嚴匍匐無遮門須彌法界水陸陳凡所有相傳其真財施

法施緇白均人天利益福慶臻大衍虛一用乃神

圖凡五十

幀佚其一願圖不壞同金身侵損常住誓有云丁甲那得辭

艱辛我初聞之意孔殷願力未果徒逡巡豈惟妙繪不

可親初地咫尺猶迷津宰官宏護今使君談麈每與天

花隣軒車過午出北闔却呼野叟為同羣是時朱夏日

聯溫新秧刺畦綠乍勻遠風吹水波粼粼方罨盡學袈

裟紋吁嗟古刹已就湮瓦石聲磬連蒿榛頽墻廢址轟

嶙峋敗榱折棟堆盤囷土花陰碧殿網昏蝸涎交錯篆

貝文彼髡寢食如秦豚佛子母乃為波旬

住持僧極劣寺幾為所毀

恐失此寶亟諮詢歸然何幸靈光存金碧結聚浮編璘
絹素完好光鮮新至人坐轉無上輪青蓮湧現優曇芬
列侍薩埵環聲聞婆羅辟支含笑頻圓通大士接引勤
梵天帝釋闢紫宸龍虎翊衛元武屯斗雷嶽瀆號令申
金烏劈翅搏桑暎潛女獻珠騰赤瑞下燭九幽見蒼旻
森羅主者朝天闍鬼卒胡諛駭且奔隍司社令肅冠紳
前驅導塗揚旌幡三界六道中居人帝后将相及四民
孝義秀良逮頑嚚陽施陰化俄屈伸蟲沙猿鶴莽游魂
啾啾萬古啼青燐鐵圍山倒鬲子翻流鈴震杵摧魔軍

相排競進厥角崩法筵徧灑醍醐醇各各歡喜盃蘭盆
宣揚廣舌音和闍舒金色臂如可捫稽首瞻禮渴仰敦
苦難什襲希有珍鐘魚闐寂衣鉢分竊恐裨販終飄淪
公曰茲事勿因循輟俸經始言諄諄聞而慕者至必麋
檀越踴躍輸羨緡冠以傑閣繚以垣都綱典守慎選掄
經教演習戒律遵庶幾古德宗風振永以此寶為傳薪
白毫千光照海濱喬雲膏露被隰畛祓除疵厲回災迤
洗滌淫慝消貪瞋佛日所麗皆陽春輔翼 皇化俗美
淳諸天贊歎神人訢公之功德垂無垠

滄來守招同王述庵少司寇嵇篚浦運使楊省絲
中翰錢吉亭孝廉隆福寺觀荷就謁弇州祠過敝
廬小集得詩三首

步屨來初地
芻簪集上方
露齋僧供潔
水觀道心涼
隣竹分清蔭
池荷遞遠香
因從輞川老
一語舊漁莊
述庵所居

曰三泖
漁莊

往代推詞伯
瑯琊大道南
文章存四部
第宅失三弇
淨業祠依剎
元風觀記曇
六時結禪誦
香火舊情諳
時議重建

曇陽觀
於祠左

自笑衡門下居然銷夏灣周堂三面水支閣一卷山客
塵蘭言美仙枰橘趣閑行藏無異撰風浴詠歌還

滄來招集後園觀荷卽事有作

郡圃初開上客筵冰蔬露果晚涼邊月華淨碧琉璃地
霞氣酣紅菡萏天表海一州多暇日涉江千里有新篇

時劉金門
學士新至

沅湘無限悲秋感掩抑西風廿五絃

席間談
楚事

喜雨用前韻柬滄來

虛堂夜月未離筵萬斛跳珠落枕邊自有驪龍醒碧海
肯容妖魃舞青天夏畦頻釋先憂計秋水初披至樂篇

是日立秋但以有孚叶盈缶何勞里社禱神絃

和滄來餉荔韻

赭虬珠擘玉盤新嘉果曾聞壓九真海上喜通方貢物

頻有海警故云天涯閒味宦遊人

謂籬浦金門曾宦兩粵

休疑飛騎猶煩

使漫道包魚不及賓冰雪聰明離熱惱色香味豈墮根塵

滄來再餉荔支仍用前韻柬謝

一番題詠一番新報李投桃雅意真臺命每勞籬下使
家居不羨嶺南人熟疑丹鼎攜仙侶擘認紅綃喚野賓

公贈鶴金門亦驛遞更憑傳好語早聞粵蜀靖邊塵
時兩省有兵事

三用前韻酬和滄來公荔宴之作

公暇壺觴訂座新維持風雅此為真每因碩果思君子
終愧微芹獻野人種比蒲桃來大食品卑盧橘薦蕤賓
郡齋嘉會關名教喜見青雲端後塵

滄來屬題陸即懷荔圖為履祥茂才作仍用前韻
二首

佳話推陳又出新依然懷橘孝思真非因紅紫誇方物

方紅
陳紫也

却寫丹青示郡人
蘭茝咏騷多俊彥
華蒿肆雅

有嘉賓
邦君善教心
乎愛冰鑑
寧容涸一塵

腴秋軒外品題新
霖雨林塘景偏真

見荔
支譜

陸吉傳中逢

彼美白家圖後屬誰人
登門此日高增價
觀國他時利

用賓記啖福州三百顆
趨庭歲月付流塵

少時隨侍先
君閩南使署

滄來見示胥江送金門學士歸萍鄉之作和韻却

寄

胥口送行處秋潮隨月生
那知婁渚上添却晉陵情

時滄

來將權
守常州

萍老霜江闊
楓寒水驛清
關山楊柳曲
吳楚一

殷聲

王潤六茂才屬題尊甫九我松鶴圖遺照

礪松百尺鶴巢安此是先生舊考槃聞道著書多歲月
龍鱗留與後人看

秋鐘

未了三生聽石樓威音劫劫喚閻浮百年漏盡客黃土
五夜燈昏僧白頭渚雁無聲秋水闊城烏欲起曉霜流
此時遙憶寒山寺楓落吳江旅泊愁

秋鷹

高盤華岳見層崖大漠涼沙振夕霏萬里風霜舒倦眼
九秋天地入奇懷草間狐兔情何極世上梟鸞事未諧
畢竟支公愛神俊休疑肉食盡凡儕

静居詩後稿卷九

靜厓詩後稿卷十

鎮洋 汪學金 敬箴

古今體九十首

丁巳八月
盡十二月

八月初六日同叔溫蛟門葆初晚過曇陽新觀話
雨時將之皖

西風楊柳衰江潭似我霜鬢秋
穆穆故人憐我情何堪
甯酒一笑留征驂
感君意氣不辭酣
晚食但覺山蔬甘
歸塗更訪落葉庵
翦燭要作知己談
不速之客乃有三
惠而好我樂且耽
是時涼雨鳴杉栟
枯荷點滴入耳諳

鍾魚底許凡情貪香火自拖塵緣慙霄漢拔宅難慕墨
門庭辛苦空懷弇何為纏縛如春蠶刺促兒女徒詰謫
雲山行脚初破叅蓋頭一把皆茅龕總持秀北與能南
開口吸盡滄江嵐

井福堂桂花下與同學諸子話別仍用前韻

太虛一月光千潭鏡天了了鬚眉穆碧琉璃界飛仙堪
掣輪躡景無停驂塵紅難喚春夢酣食齋為苦荼為甘
海山聞有樂天庵域中誰解方外談白榆歷歷客星三
一絲惟有桐江耽盤陀老子明堂枏世出世間悉飽

諳伊呂事業性匪貧孔顏名教樂何慙觀化亦復師聃
曇濟時得不推禹舜嗟我衰懶成僵蠶逢人強作嚙語
詢木樨無隱須重來願持一瓣皈齋龕眼前金粟香山
南離合指認羅浮嵐

晚泊虎邱步入蔣園看桂

蔣園本塔影園今改三賢祠祀杜白蘇三公

萬古虛空偶聚塵主名誰幻更誰真湖山合付三詩老
花月相逢一旅人歌扇酒旗渾是夢粥魚齋磬亦何因
閒愁併起新秋色漫道梧宮跡已陳

錫山舟次讀高子遺書有述

絕學誰將墜緒尋三時用力獨傳心

集中有三時記

涇陽合社

朋來遠高邑同朝黨錮深未忍衣冠淪北寺尚留俎豆

表東林瓣香細展遺編讀遙望龍山緬德音

先生墓在九龍山

晚游惠山寺和坡公韻

梁溪忽掉九龍尾遠掛城頭斷復連過客看山初到寺

尋僧乞火更烹泉水蒸暮彩芙蓉國金鑄秋光橘柚天

夜半壑舟移月去人間休把姓名傳

聞地主有待余者移舟去之

毘陵舟次與滄來別仍用送劉金門韻

合離併今夕江月對愁生送我一揮手知君兩繫情暮

雲隨客遠秋水比官清難就孤舟夢蘆沙有雁聲

中秋遊攝山登最高峰望月和朱竹垞先生韻四
首示竹濤卓羣兩上人兼寄滄來守

凌晨過龍潭嚮午指棲霞逢閨佳節遲岩桂飄餘花霜
村偃穉稭烟渚搖蒹葭深入境轉幽獨往心何遐山腹
出雲空谷口含風岬法界鏗華鯨衆想滅妄邪叢薄馨
草靈藥疑三桮支筇信留眄舄下飛湍斜雞楓雜鷗
爛若披錦裳相逢趙州僧應道且喫茶

溪臺談般若寂然照虛白不知何因緣一笑成主客導

我兩芒屨健舉翬飈翮腰脚告小疲默酬坐磐石江流
浴墜鳥萬丈金翅擘纖阿已整轡邂逅此良夕

迢迢最高峰雲卧誰結廬連岡松樹林間以千林筌穿
徑起栖鶻緣木窺驚狙倘下面壁功凡情當懺除不爾
遂高隱可著名山書風塵舊容顏慚愧對望舒偶觀鯢
鵬化非鳥亦非魚萬頃凌茫然一葦縱所如

我讀攝山志奇境悉幽竅到來愜目賞一一辨林篠當

年中承公

滄來曾祖
于襄勤公

清節世所少福地有夙緣功德後

賢紹遥瞻五色雲靈蹟尚未杳

事見
山志

玉帶鎮山門佳話

重提表踵筆具事狀梗槩僕麤曉前三與後三各從言
下了

戲題棲霞方丈

靈山終屬明僧紹淨土難收江總持欲說現身居士法
姓名怕使磬頭知

報恩寺早發至板橋

塔鈴無語月華流夜半征夫戒速郵城上霜鴉難破曉
渡頭風柳不勝秋人家莫問烏衣巷江水遙通白鷺洲
勝有青旗沽酒處鞭絲猶指板橋頭

采石磯

仙人捉月月悠悠來照磯邊太白樓
永夜南飛烏鵲繞大江東去翠螺浮
采石即翠螺山藤蘿影鎖千家靜
檜柏枝搖萬壑秋天塹空留形勝壯
一杯鍾阜總荒邱

戴可亭丈拉余由陸抵皖口占謝之

故人攜我往江皋愛覓蓬窓為息勞
祗合清閒逐鷗鷺敢憑忠信涉波濤
布帆秋後渾無恙鐵板江東也自豪
誰是當年跨鯨客青山曾識舊宮袍

酬和石君師寄懷之作

海內道義交落落星嚮晨聚散離合間在天亦在人理
同聲氣孚志篤情性真夫子再莅皖舊政一以新雨苗
各被澤風草咸懷仁寸心秘元籥要使萬化醇矧余奉
至誨結念平生親索居日寡陋千里來問津盤囷月中
桂高攀霄漢隣寂歷籬下英靜葆冰霜辰

再用前韻簡可亭學使兼寄蓮士樞直

訪戴結遐契逸興凌蕭晨扁舟牛渚夜長懷高詠人江
風與山月萬古留清真文章抒寫之謝故復出新使者
乘輶車敷教宣 皇仁春和作醞釀一飲知其醇登堂

叙朋舊獲奉言笑親申意既款款味道彌津津若家賢
小阮密勿贊臣隣致望篤匪躬翊化調五辰

雨中至蕪湖行館簡宋悅研觀察仍用前韻

三秋賦契闊感此風雨晨關門有仙尹執手逢故人愛
君塵勞內落拓存天真薄游記疇昔春甸弄暄新送我
大華頂妙相瞻能仁願以大慈力宏護末劫醇刹那酬
對緣無著與天親自笑武陵漁重覓桃花津飄然孤鶴
蹤信宿雲水隣掛帆自茲去江波盪星辰

善化渡風雨

亦有揚帆興其如五兩何
峽濤風起急江雨夜深多
病骨支危坐悲心激浩歌
宿汀同旅雁嘹唳一相過

荻港吊黃靖南侯

國勢存亡際天心勝負中
湍朝急私鬪一鎮効孤忠
擊楫情何極降帆事已終
百年留戰血點點荻花紅

舟中望九華口占二絕句

天末孤帆曳落霞
鷺鷥飛處見平沙
西風吹盡江南雨
特為行人看九華

隱隱茅茨一宿緣
無端夢想隔三年
山靈笑我猶塵土

不放鐘聲夜到船

貴池吊吳次尾先生

三百年來養士真膠庠完節正彝倫過江不乏衣冠族
在野疇非草莽臣筆舌有鋒誅馬阮頭顱一擲謝侯陳
怒濤只有池陽水想見樓山集裏人

皖江晚泊

千里風濤不厭賒薄游重到皖公家霜明紅樹藏村落
雨捲青山出浪花三楚烽烟秋列戍一江星斗夜浮槎
尚書再鎮多清暇

謂石
君師

甫也猶堪老客誇

初至皖省仍用晨字韻簡熊謙山方伯

客榜泊屈夕官郵行達晨

方伯從江北
勘災回省

俛仰宇宙間何

者非勞人披我肝膽懷識君面目真婁曲春茂豫皖上
秋鮮新山水信云美所樂在智仁通儒復性功直養醇
乎醇物我兩不違魚鳥羣相親薄劣効芻獻捧土塞盟
津為高無棄壤乃與嵩華隣愛此晚節香酬勸黃花辰

九月二日為余五十初度后君師以伽南大士像

桃核羅漢念珠香餅用坡公子由生日詩韻見贈

依韻酬謝

金容結瑞梅檀芬普門開示平等薰牟尼徧現四果羣
虛空寶已成願雲慈憫衆生拯溺焚劫劫掌上看螺紋
補陀一支盤陀分元始祖炁孕紫氤蒼胡重出玉宸君
下作砥柱紐埴墳井鼃仰窺霄漢文語以大道如蟲蚊
朝菌小年何足云丹書豈策十賚勛黃籙尚秘六甲軍
導師接引心殷勤妙功德水灑宿醺三歲蕪廢新畬耘
識田荆棘害檟枌此來誓掃生滅紛般若成就香嚴蔗
離壽者相如是聞

生日口占

回首丹溪過去緣南華難問祖師禪今朝記得東坡語
惡業相纏五十年

歸去我嶺蔣虎臣只餘一念為君親漫將科目傳衣

鉢慚愧心空及第人

金壇蔣虎臣先生順治辛丑第三
人及第有詩云只有君親恩未

報生生世世祝能仁後
入峨嵋山不知所終

和答熊方伯

逍遙鵬運戲滄溟觀化曾無一息停萬古貞元回子半
天空海濶自然青

瞿唐妙象演義經曠世如游作者庭

方伯愛來氏易

祇向秋林

分半席恐防貽誚草堂靈

和程也園選君九日用晨字韻見贈即送其歸新安

百年富與貴譬如露晞晨奈何邯鄲翁撮弄枕中人一笑視所得若者為我真喜君脫塵鞅潑眼雲山新就種般若緣梅子已生仁大道絕名相孰能辨疵醇曩哲亦有言因不失其親皖公一招手異轍同塗津翩然歸去來高結翠微隣

時將卜築翠微山

囊萁託持贈霜風淒別辰

皖城九日

時皖守張公招遊迎江寺未赴

未必青筇負客囊投詩幕府興猶狂月明牛渚三更笛
花發龍山九日觴領下新霜逢悴節眼中舊雨散歡場
江樓孤負登高約楚望烟波思易傷

偶紀

紫府仙人陸修靜前因指點記羅浮鉢龍入定潭中失
笙鶴飛仙嶺上游千里秋風重識面一場春夢已回頭
從君問訊丹溪寺破衲枯筇尚在不

內子寄示養病二律頗見道意依韻答之

三十年來樂倡隨同心偕隱復齊眉梅妻鶴子緣猶在

鉛蛇丹嬰事未遲撒手去來當下了安身冷暖自家知
無生方是團圓話莫認前期是後期

漫將宿命叩輪王一點情塵歷劫妨案上楞伽君已熟
座間茗帚我應忘苦心密護蓮因好淡味深諧菊趣長
不是文殊休問疾鼻根怕惹妙華香

寄蓮孫

寄語小蓮孫三冬好學文風詩歌弗輟爾雅讀須勤根
有慈雲護香從慧海薰尊師還敬長嬉戲慎同羣

石君師致橄欖賦謝

海南青子簞簞來賓及包魚到不才植愧比梨勞品隲
橘防化枳賴扶培酸寒差覺儒風在艱澀方知道味回
一德沃心民食福祝公鼎寶早調梅

蠟梅疊前韻

隲書報我一丸來頃刻拈成亦妙才拈嚼首楞無味入
暖噓心辦到根培傾樽色奪鶯兒瀉燒燭粧殘鳳子回
好與嘉平諧吉語珠庭黃氣九英梅

仲冬朔登署樓晚眺

歲云暮矣日蕭森客盍歸乎江阻深佛說空華除衆幻

天留碩果戰羣陰遙傷千里登樓目且守三冬闔戶心
為祝難陀酬快雪白毫世界現光音

和坡公十一月九日韻

妙微誰人悟鑿空先天不廢後天功情田蟄守冬心密
神谷萌抽旦氣濛烟起南山輝紫玉潮回東海浴青銅
微陽默驗生生理井養原來道不窮

得滄來手書備言錫工已竣民情感悅之狀作此
寄之

花枝依舊長紅昔有東坡今見公但喜一樽傾道左

渾忘千柄鍊泥中遠書珍重傳淮海好句鏗鏘嚼雪風
為語婁民如望歲早梅官閣待歸驄

蓮孫集詩經語寄我因書其尾付之

熟讀葩經三百篇要知小子學詩先歸歟待試新雛舌
報我成章已斐然

和石君師洗研韻

石墨因緣一合深浮雲流水跡難尋儘人磨涅何關我
藏密工夫是洗心

雪詩八首

并序

丁巳之冬皖陽憂旱留撫尚書朱公齋心默禱
仲月幾望雨雪三日四境告瑞者麋至及霽乃
按行廬鳳泗屬亟賑事也學金客游茲土親見
天人之協應民歲之兆康樂為詠歌綜其前後
作詩八首紀事述懷蓋兼有焉

禱雪

至日望雲物龍山氣佳哉烈風蕩元冥浮陰千里來
番番老尚書留守筦楚淮齋心籲天澤生意滋萌
茲飛書召皖公會我集靈臺朝騎白鳳皇橫江羽
旄旆壽公青

瑤芝酌以黃金罍三田玉有烟融結千瓊瑰
嶮山流崖甘乳哺嬰春孩

憶雪

去冬學閉關蟄室守枯凍琮琤紙窓風千林綴霜松紛
紛瓦溝盈稍稍簷竹重山厨罨晨炊敲冰戛瓶甕客來
聞好語翻犁麥已種稚子戲我前搏埴作歡弄圍爐話
殘年幽悶破孤諷竭來事薄游短景急飛輶何處縞衣
人清絕江南夢

釀雪

寒山暝江烟鴉背閃微照暮雲忽解駁夕飈轉巖峭坤
腹孕初陽細縕氣蒸歎大酋謹湛熾沮泄地戶竅夢中
游釣天粲然玉娥笑手傾白醪酏帝觴沁餘妙曉枕聽
糟牀成滴未可料三日酺瓊膏蜡飲萬家醕

催雪

睡驪僵不醒角聽空衙衙黔雷未出地孰發千槌撾管
城恥寒乞玉蜍翻金鴉謾語檄滕六白戟偏師遮酣豪
賈餘勇出險爭共义夜半入蔡州驚鴨聲無譁坐揮白
羽扇儒雅亦足誇詩成一大噓墮眼紛狂花

喜雪

羣仙宴崑崙玉戲不可罷誰賭瀛洲塵萬斛撒空下衾
綢冷于鐵清氣入子夜維時月幾望虛牖亂明罅蒙頭
啟戶看花絮裏臺榭白髭紅頰顰眼纈添笑詫吏僚府
中趨舉手先賀謝在喜不忘憂焉能庇廣廈豈如彈鋏
生一飽百事卸衝寒出尋詩驢背劣可跨茅簷就濁醪
醉問豐年價

聽雪

天花非根塵隨受具聲色妙有出虛無善辨了不惑午

憲試跼趺兀然轉千息三籟泯希夷神謀在離即屑屑
吹寒棱陷空不遺力疑有姑射人效唾冰珠織但恐聲
聞禪耳門作功德坐我光音天寂照白淨識

眺雪

急霰送鴻毛四野紛飛揚同雲蔽一色浩浩安可量登
樓眩銀海酸風射眸眵豈不念豐澤此邦樂時康亦有
南征士慘慄凋戈裳廣川冰嵯峨馬骨日已傷况聞褒
斜道輓運艱芻糧雪棧愁攀援指墮肌膚僵青陽布光
澤大冶銷鋒鏖疲氓回春姿非種絕遺蝗萬里江漢

客心慨以慷

霽雪

冰綃寫龍眠白描吐烟霧日車翻縞林著色續絢素陽
春已有脚飛旆那得駐瓊瑤不自惜上有馬行處早梅
抱無瑕邂逅歡如故心跡信平生一清懲墨憑黃綿獻
父老青蚨攜婦孺三白占到地歸來酌村醪傾耳康衢
謠尚書來何暮

仲冬十八日石君師之廬鳳泗屬放賑將有一月
之別述此以摠鄙懷

鷓鴣搏九萬雲垂天斥鷃奮決枋榆前若以大小論齊物
劍首一映莊生篇海濱下士未聞道坐困山澤求蹄筌
萍浮蓬轉豈自料隨風吹落秋江邊紫霞老翁拍手笑
圮橋待汝寧非緣黃梁已熟醒塵夢絳桃曾竊知童年
余兒時即朝朝醞酏灌我頂要使暖氣噓元田寸筳灰
侍教園中飛候消息淡旬未透崑崙巔神仙濟世願力大袖裏補
斡陰陽偏黃鵠高舉下淮泗頃刻乘谷回春妍龍公三
日助新雪瓊膏萬戶流糜饘蜺旌鶴蓋照崖麓江靈千
里迎輜輶古梅冰屋三生禪問花不答心茫然

後何時還援琴一操彈水仙

得家信知吾鄉亦於望間得雪喜而有作

幾望同雲布寒威積更饕三朝紛雪霰千里灑江皋魚
素花縈管鶯黃艷瀉槽鄉情殊自慰瘠土徧農膏

和陶飲酒

余索居皖署殘年長夜獨酌自娛少飲輒醉因
和淵明飲酒詩二十首以抒無聊之緒東坡所
謂歡不足而適有餘者亦庶幾近之云爾

孤雲隨飄風日暮將何之山梁感物性舉集各以時流

行坎止間吾道良在茲淵明知此意飲酒了不疑曠焉
千載下誰復一樽持

吾聞瑤池觴羣仙會蓬山褰裳欲往從青鳥為我言酖
顏色如孩壽可千萬年自非真一法其妙終難傳

獻酬固云樂獨飲彌有情至哉中聖人其德不可名世
路競險仄百憂戕其生惟有醉墮者恬然弗為驚神完
得天全觀化無虧成

勁翮閉樊籠青雲曷奮飛逸足伏櫪皁白日徒嘶悲落
落四海內塊獨靡所依田園日已蕪拂衣浩然歸歸來

六載餘荏苒屈始衰醉鄉營菟裘沒齒不相違

雀鼠甚微細雞鷺何卑喧掉頭不肯顧一往成其偏朝
登江上樓暮看樓上山借問出岫雲為霖何時還三復
考槃詩獨寐聊寤言

生醉死即埋伯倫計良是我有命在天婦言徒謗毀苟
非達觀人柔牽道固爾何況金谷園溺情事羅綺

四虛洞庭野古樂陳咸英委蛇據槁梧不覺移我情紛
沓箏琶至萬耳為之傾我琴已無絃恐有不平鳴一朝
遇牙曠輒復道平生

蒲柳生下澤本非風霜姿徘徊仰高山慕此蒼虬枝願
君勤吐哺羣彥呈瑰奇不材終天年老矣無能為相從
歌擊壤茅簷歡角羈

江南千疊山愁心結難開賴有一杯酒姑以紓我懷飛
鴻戲渚曲肯怨雲路乖所謀非稻粱何枝不可棲天涯
多雨雪淹留爪痕泥守分在寡營隨緣獲衆諧桃源有
真路去來諒弗迷春風泛微綠緩棹觥船迴

吾年方少壯蹉跎失東隅修名既不立老至猶泥塗進
思効尺寸駑鈍難任驅退欲事飮餽土苴古人餘進退

兩無就沈冥此為居

狂醒惑愚夫達者豈害道遠公不禁酒欲致柴桑老試
以般若湯潤此枯禪槁把臂意自欣攢眉態亦好所貴
得真際何云毀戒寶不遇善知識斯言勿輕表

西京盛田竇代謝亦有時奈何灌將軍使酒前致辭忿
氣不自懲湛族由於茲君子道龍蛇介石無然疑去去
就田父質朴少謾欺臘酒熟西隣呼我先嘗之

濁醪有妙理黑甜亦奇境不解楚靈均兀兀愛獨醒遠
游飲沆瀣於此趣未領洛陽年少人英光露若穎憂傷

青房言後和 卷一
損天年焉用蔚與炳

北海無空樽賓客四方至遂令材僞徒聞風輒心醉聲
氣日已廣臧否出論次端居務闇修在已有良貴息交
以絕游旨哉得其味

載酒問奇字蜀有子雲宅若以著書終千古仰高跡晚
登天祿閣奚翅喪什百草元苦求顯道豈備純白通經
有原本未達良足惜

夢游聞鈞天恍惚昔所經帝觴醕餘瀝謂我道可成覺
來覓爐火兀然坐寒更玉池漱華液默想存黃庭絢緼

夜氣還臂雞時一鳴庶從王子喬永絕區中情

爰居本海鳥性亦避濤風藐然有形物皆在憂患中醉時忽忘我已與造化通固哉刺促子幻影疑杯弓

浮雲視富貴於我一無得從此審去就舉足免歧惑用以通大道介然去茅塞但葆醉中意適彼華胥國逍遙養谷神執契在淵默

一生百不優覲顏學而仕形神苦役役徇人徒失已偶乞升斗活終貽瓶罍恥守茲清白傳勉旃遂隣里國恩未能酬史職末由紀臨觴坐歎息酌言時復止自顧

六尺軀偷息難久恃

堯樽置中衢熙熙樂天真一酌時世康再飲風俗醇自
從三代後吏治亟更新僭人乘其敝申商復儀秦文景
尚簡靜四夷靖邊塵再世恢廓之功烈豈不勤毋乃帷
閤內所任非賢親芻牧賈豎徒策足要路津濁酒下漢
書忽焉沾我巾掩卷勿復陳狂言驚座人

臘月七日石君師散賑旋署仍用前韻奉呈

屹立一柱東南天五色補煉媧皇前道冲而用利萬物
上善執契函關篇寶珠根源出蒼頡蕭臺授籙探璣臺

嬰兒專柔得氣母如食蜜味知中邊普哉生化保孩赤
此土深結菩提緣腹披琅玕叫閭闔錫福祿地為康年
雨花布金作者岨雪霏積玉成藍田光音已達堯率界
功德欲並須彌巔尻輪神馬捷馳驟融風愛日周頗偏
歸來節堂受燕喜天心默露芳梅妍詰朝香林迓佛臘
七寶淨供酥酺醴奇徵吉夢雀環報瑤瑜抱送天宮軒
即夕師有抱
嬰飛雀之夢辟支自墮頑空禪大乘說法殊不然讚歎
希有往復還小言舉似羅浮仙

內子問余歸期書此荅之

飄然一笠渡江潯雲水何分去住心笑我禪栖桑下戀

知君隱趣橘中尋

時修元功於憶橘隱處

酤顏臘酒歡常把白髮

春旂健更簪添得守除新妙法長生久視息深深

石君師致木瓜仍用前韻呈謝

珍重宣州貢匭來此情永好寫詩才敢隨桃李論投報

願伴松筠託護培心孔因緣香入定鼻根功德息周回

客蹤自笑成艱繫驛使猶勞寄隴梅

適得家信故及

戊午春帖子石君師命賦

北闕威金馬東郊旺土牛

日支逢丑

三三

雙日月

嘉慶三年為乾隆六十年

八八萬春秋

太上皇帝聖壽八旬有八

絳雪凝漿挹

帝臺紫霞御炁引仙盃春陽一線須彌頂海印光明結
朶來

臘月十九東坡先生生日石君師用集中松風亭

梅花盛開韻作詩並命同賦

羅浮合是仙家村玉雪吹醒春夢魂先生舉頭忽大笑
此花與我同朝昏昌黎上書竄嶺海淵明無計歸田園

豈知天心勸辦道六年默養丹砂溫淨明忠孝注台斗
赤脚飛躡浮黎瞰千秋靈辰紀嶽降詔許跨鶴游天門
盤陀老子結殊契石上待證三生言東風昨朝劇解事
江水恣拍鷓夷尊

雨中探梅仍用前韻

問余何事辭江村曰歸不歸黯客魂殘年風雨太無賴
衾寒酒醒龕燈昏曉窓兀坐理幽夢似曾有約來窺園
知君冰骨抱耿介何意嗟笑情偏溫頰顏未免怒揮盥
欲排雲脚迎晴曦花光禪悅兩妙悟惜少月下僧敲門

十年不字已成癖
寒修勿漏標梅言
莫釐峰頂看香雪
江湖濩落容艷尊

廿二日雪呈石君師仍前韻

迷花攪絮春一村
莊蝶未辨蘧蘧魂
高寒玉宇不可望
虛明遠射雙眸昏
鄒枚衰老謝妍秘
那復授簡誇梁園
晏裘假我禦寒慄
此情何止綈袍溫
坐待青陽發光澤
冰蚪戲海翻晶墩
元田嬌鴉閃回照
流膏注液門非門
緗梅不改偃蹇態
翠羽漫弄啁啾言
滕六狡獪換鬢髮
莫怪後飲屠麻尊

和石君師祀竈二首

雪霽梅朵鬬韶菲五祀精虔候十輝楹帖門符祥止止
雲車風馬想非非簋修納約啗寧媚鏡卜歸遄祝弗違
師還京之念頗切故云却憶鄉村醉司命芋魁酥軟菜芽肥

蘭言贈答靜生非侍坐深宵燭有輝叩點餘音鏗爾在
見聃新沐熱然非西隣祭福時同受東閣賓心久未違
漸悟年來喧寂境紛華戰退道能肥

偶成

不分榮悴與升沈悟境隨人即目尋風藥有情春夢活

雪燈無燄夜吟深環中默守先天象物外渾忘卒歲心
安樂堯夫惟點易當前生意取誰禁

新晴登署樓眺望有作

喜報江城快雪晴晶輝麗彩望通明檻枝含凍爭春色
簷溜迎暄作雨聲開籬民逾歡八蜡守關人欲却三彭
是日瓊樓已是高寒境更躡飛梯到玉京
庚申

小除日寄家書口占一律

為憶團圞話音書好寄家平安傳竹信歡喜問梅花于
野同人應迎年稚子譁又題新甲子
是日鏤管鬪春華
甲子

○ 除夕和石君師三空詩

生生流注想劫劫攀援影一攝妙明中非動亦非靜掃
除八識田純白露元穎源頭活水來瑩此無波井莫待
五更鐘始發百年省虛室止吉祥萬障息祇青

右空念

試問動者誰畢竟非旃風塵勞與涅槃云何弗相同覩
眼不二門見相皆圓融盛衰迭代謝刹那酒顏紅落花
豈有意隨水亦復東枕破醒邯鄲天地青濛濛

右空境

藐然宇宙間孰非生化餘以我立假名乃為物所都是
非出愛憎既有焉能無機智日相軋外悴中不腴此病
在膏肓神醫走扁俞夢想困顛倒形役勞蹶趨不讀竺
乾書何以悟一如但願情無情善哉同覺途

右空人我

雨中守歲用坡公泗州除夜韻二首

一歲流光不可駐浮生念念笑搏沙此身世上何非客
今夕天涯也是家急柝欲闌催夜雨短檠未爇伴寒花
朝元默守三田炁爆竹粃盆漫自譁

浹旬兩見雨隨雪三尺街泥滑似酥近挾江流趨北岸
遙飛曙色豁東隅關心雁戶鳴春樂入耳雞人戒旦呼
欲向仙翁求縮地人間曾否有懸壺

靜厓詩後稿卷十